

慈航集三元普濟方



慈航集 三元普濟方

古欽王於聖纂著

京都史蘭圃叅訂

五運

甲丙戊庚壬太過
乙丁己辛癸不及

甲辰年土運太陽寒水司天太陰濕土在泉運尅天
氣不和之年土上尅水陰濕下伏寒水不行脾腎
兩虛病多中滿四肢浮腫腹脹虛濕歸囊治宜理
土滲濕溫其太陽分利水導氣虛者補中益氣苓
朮散陰虛火衰者金匱腎氣湯最穩夏秋瘡痢寒
多熱少亦宜溫補和解寒涼破氣藥戒之

春日感冒第一方

焦白朮 二錢 雲苓 三錢 桂枝 一錢 炙甘草 二分

枳壳 一錢 紫蘇 一錢 製半夏 二錢 陳皮 一錢 羌活 五分

引煨老薑 三錢 紅棗 五枚

春月初病惡寒頭痛發燒一服蓋暖得汗即愈如

作瀉加炒白芍五錢 如惡心加白蔻仁二錢

如咳嗽加杏仁二錢 如頭面四肢浮腫去桂枝

紫蘇羌活加苡仁三錢炒冬瓜子三錢炒峽麴一

錢五分川貝母五分炒五谷重一錢五分車前子

二錢此方久服全愈

乙巳年金運厥陰風木司天少陽相火在泉運尅天



氣不和之年金上尅木木受金制肝胆不舒三焦
內熱濁火留中初病受寒發燒煩躁不寧治宜溫
散外寒化其裏滯和其肝胆大便結者通其陽明
方得其治如失溫散悞投寒涼必變抽搐痰厥角
弓反張悞人不淺也夏秋瘧痢屬熱者多

春日感冒第一方

當歸 三錢 白芍 三錢 炙甘草 三分 柴胡 八分 枳壳

一錢五 草薢仁 三錢 陳皮 一錢 製半夏 二錢 薄荷

分五

引煨老薑二錢

春日初病感冒惡寒發熱肝氣攻痛一服即愈如

惡心嘔吐加灶心土五錢廣藿香梗三錢 如作
瀉加車前子二錢 如發厥加枳榔一錢五分青
皮一錢五分鈎藤三錢 如內熱心煩加炒黑山
梔二錢青蒿二錢 如口渴加花粉二錢 如大
便結者加生軍三錢

丙午年水運少陰君火司天陽明燥金在泉運尅天
氣不和之年水上尅火毒水濕火客於陽明其年
人災最重瘟疫遍行初病頭痛身痛壯熱口渴煩
燥譫語初方不可用柴胡知母二三日後邪熱入
少陽胆經方可用其和解若早投之引疫毒之火

入裏種種變症措手莫及慎之慎之

春邪初病第一方

紫蘇

一錢五分

淡豆豉

三錢

炒枳壳

一錢五分

炒厚朴

一錢五分

枳榔

一錢五分

生甘草

八分

草薢仁

三錢

陳皮

一錢五分

葛根

三錢

引煨老薑二錢赤飯豆五錢

春日時邪頭痛壯熱口渴煩躁一服蓋暖得汗卽愈

如惡心加廣藿香三錢如瀉加赤芍五錢木

通一錢五分如週身骨節痛加獨活秦芫各一

錢五分如口乾舌燥加知母二錢炒黃芩一錢

如內熱小便短赤加青蒿三錢赤苓三錢 如

大便閉結加生軍三錢

丁未年木運太陰濕土司天太陽寒水在泉運尅土
氣不和之年木上尅土土受木制脾虛氣弱濕伏
不行人之本原因上丙午受虧今又木運尅土土
弱濕多無火以化致病脾虛水腫中滿腹脹四肢
發浮治宜溫膀胱之火使氣化分消補氣理脾爲
主不可破氣夏秋濕痢脾寒氣虛怕冷固本調治
自好

春日初病第一方

焦白朮 二錢 雲苓 二錢 桂枝 一錢 白芍 二錢 紫蘇

一錢 炙甘草 五分 獨活 一錢 枳壳 一錢 製半夏 二錢

陳皮 一錢 五分

引煨老薑 二錢 紅棗 五枚

春日初病感冒時邪頭痛惡寒發燒一服蓋暖取汗

即愈 如作瀉加車前子二錢 如惡心加白蔻

仁二錢 如發燒不退加淡豆豉三錢 如咳嗽

加杏仁二錢 如腹痛加煨廣木香一錢五分

如飽脹食滯不化加炒山查三錢炒麥芽三錢

戊申年火運少陽相火司天厥陰風木在泉理氣相

同天苻之年運氣皆火火旺尅金金受火制不能
生水肝無水養木燥侵脾脾虛胃弱食滯不化濁
火內生外受不正之氣觸動內火痧毒癰疹咽喉
腫痛喉閉喉痺目赤紅腫嘔吐厥逆秋多瘡痢等
症初病總係外寒宜先散之後再清之不致纏綿
有變

春邪初感第一方

當歸 三錢 白芍 三錢 生甘草 八分 枳壳 二錢 陳皮

一錢 柴胡 八分 紫蘇 一錢 淡豆豉 三錢 桔梗 錢

炒黃芩 八分

引煨老薑二片

春日時邪初感頭痛發燒身痛一服蓋暖得汗卽愈

如惡心加廣藿香三錢 如肝氣上逆加草薢

仁三錢枳榔一錢五分 如咽喉痛加牛旁子三

錢 如心煩內熱加炒黑山梔二錢 如作瀉加

車前子三錢木通一錢五分 如口渴加花粉二

錢知母二錢 如大便結加生軍三錢

已酉年土運陽明燥金司天少陰君火在泉運生天氣小逆之年土上生金濁氣上浮三焦不舒胃氣壅塞陰陽混雜清氣不升濁火不降初病外受風

寒內伏濁熱惡寒頭痛發燒半表半裏之症先宜
溫散外邪寒火亦從汗解上半年人多疫暴疾秋
冬瘧痢結胸初不可用柴胡桂枝如悞投之變症
難治

春日時感第一方

葛根 三錢 紫蘇 一錢五分 淡豆豉 三錢 枳殼 一錢八分炒

草薢仁 二錢 當歸 五錢 生甘草 五分 製半夏 二錢

陳皮 一錢五分 赤苓 二錢

引煨老薑二錢

春日初病惡寒頭痛發熱口渴一服蓋暖得汗卽愈

如惡心加廣藿香三錢

如身痛加獨活一錢

五分

如作瀉加炒白芍五錢車前子三錢

如

胸口飽脹肝氣攻痛加枳櫚一錢五分

如口乾

加花粉二錢

如大便結燥加製軍三錢

如內

熱加青蒿三錢

庚戌年金運太陽寒水司天太陰濕土在泉運生天

氣小逆之年金上生水水冷金寒一派寒濕陰氣

盛而陽氣微病多中滿腹脹脾虛水腫濕氣歸囊

氣喘不寧治宜溫膀胱之氣分利水導補氣補脾

爲主忌用寒涼破氣切宜戒之春日時感惡寒怕

冷夏秋虛痢虛瘧俱宜溫補和解

春日感冒第一方

羌活

六分

防風

八分

桂枝

一錢五分

甘草

五分

赤芍

三錢

雲苓

二錢

紫蘇

一錢五分

製半夏

二錢

陳皮

一錢五分

引煨老薑二錢大紅棗三枚

春日初病惡寒頭痛一服卽吃熱粥湯一碗蓋暖取

汗卽愈 如身痛加獨活秦艽各一錢五分 如

作瀉加車前子三錢 如頭面四肢腫去羌活防

風桂枝紫蘇加焦白朮二錢炒苡仁三錢炒冬瓜

子三子炒峽麴一錢五分炒五谷虫一錢五分車

前子二錢

辛亥年水運厥陰風木司天少陽相火在泉運生天氣小逆之年水上生木木旺尅土脾氣虛弱飲食留中三焦氣滯胃腑不舒其年病多食厥肝氣攻痛吐逆嘔酸噎隔翻胃等症時感受涼停滯惡寒發燒頭痛頭眩初宜和肝疎解化滯寬中大便結者通其陽明自愈秋多瘡痢

春日初病受涼停滯第一方

當歸

三錢

白芍

三錢

炙甘草

五分

草薢仁

三錢
研

枳榔

二錢

枳壳

一錢

紫蘇

一錢

製半夏

二錢

陳皮

一錢
五分

引煨老薑二錢

如二日寒熱未退加炒柴胡八分炒黃芩一錢一服必退

春日初病惡寒頭痛發燒一服蓋暖得汗卽愈

如

週身痛加獨活一錢五分

如惡心嘔吐加灶心

土五錢廣藿香三錢

如肉食停滯胸口不寬加

炒山查三錢

如麴積加炒萊菔子三錢

如作

瀉加車前子三錢

如口乾加花粉三錢

如粘

食滯加杏仁五錢

如大便結加製軍三錢

壬子年木運少陰君火司天陽明燥金在泉運生天

氣小逆之年木上生火火旺尅金肺氣不寧濁熱

留中痘疹瘟疫盛行之歲春邪之病感寒而起先

宜溫散邪從汗解熱退身涼卽清裏滯痘疹宜疎
通氣血毒易透發皆成順症夏秋瘧痢亦要清理
陽門和解庶無變症

春日初病第一方

紫蘇

一錢五分

淡豆豉

三錢

枳櫚

一錢五分

生甘草

五分

草薢仁

三錢

枳壳

一錢

陳皮

一錢

炒黃芩

一錢

引煨老薑二錢

春日時邪頭痛發燒一服蓋暖得汗卽愈 如惡心

加廣霍香三錢

如作瀉加赤芍五錢木通一錢

五分

如口渴加知母二錢葛根三錢 如週身

痛加獨活一錢五分 如內熱煩躁加炒黑山梔

二錢連翹一錢五分 如大便結加生軍三錢

癸丑年火運太陰濕土司天太陽寒水在泉運生天

氣小逆之年火上生土寒濕下伏病多氣虛腹脹

四肢浮腫虛濕歸囊痰喘氣急不能睡卧宜補氣

理脾溫太陽膀胱之火使氣化濕行虛腫自消戒

用寒涼破氣春邪傷風惡寒怕冷喘咳多痰亦宜

固本溫解切不可用黃連黃芩知母地骨皮丹皮

山梔黃柏等藥

春日感冒第一方